

徐淮境接頻來往。道義情深數寄將。別後相思
何處是。夢魂隨雁度瀟湘。湖山有約遠同眺。况復驅車我向燕。人意自殊
那可語。異鄉分手益淒然。

山東羣盜勞紆策。新命麻陽鎮百蠻。共說君
才令吉甫罷兵。應閉玉門關。

與司徒韓公泛舟城南次韻

一曲清歌酒半酣。薰風吹棹轉城南。池菱郊柳
含離思。佳句無將待月探。

水月寺改為忠孝祠次韓司徒韻

城邊古寺作新祠。樹隱谿迴客少知。水月尚存
僧已盡。惟將忠孝繫人思。

南樓奉餞南司徒韓公辱倡佳篇次韻贈

答時予亦將北上

卧病經春暑復秋。暫因公駕一登樓。夕陽城郭
丹虹沒。暑雨池塘綠樹稠。銀燭青尊那語別。江
雲燕月幾看愁。廟廊霖雨蒼生望。回首淮陽
是舊遊。

有所思

一病春徂夏。那堪別所親。蕭蕭今夜雨。寂寂異鄉身。雲杳書難寄。情存夢亦頻。非無言笑者。不是意中人。

祐民觀九日酬劉戶部見訪韻

秋來政冗塵盈抱。偶挹清芬一灑然。多病每慙時誤用。停車何事尔相憐。黃花忽訝逢佳節。紫館聊將供野遙。無那紛紛仍繫累。縱令脫去亦衰年。

灤縣道中示舍姪

阿舍小姪子。随我燕都還。為道風塵惡。遙指滄洲間。欣然感素心。廓尔開離顏。徘徊恩闕戀。祇覺拂衣難。

病中夜坐

敝榻蕭然偶息塵。孤鐙明暗坐相親。還思山閣禪樓夕。不謂天涯一病身。

天津館卧病東京中諸友

結髮至今官。辛苦三十餘。累疏辭微秩。立身本

迂疎領節復三載。馳走無暫紓。孱質那堪此分。
當犬馬如出城猶脫負。返我并州居。衝寒構新
疾。一卧滄海墟。辟穀絕饗殮。伏枕但歛。勵百事
俱廢置。如彼庭中檮。釋綬無今日。垂危檢藥書。
涸鱗縱得水。圉圉將焉舒。恩愛時見嬰。道阻還
自祛。生死尚皆遣。是非復何拘。所憂在玉事。
明春理茲初。臥曠千里外。逝日不我需。情好且
勿道。君當念邦儲。豈無賢與達。而以終困予。

憶子四首

毘陵攜汝從師日。青布蕭然意味嘉。三載漕樞
成庶事。祗應添得夢中華。

朝游湖寺攜俱往。夕返西園共討論。若使悠悠
堪卒歲。未云曠逸負明恩。

汝因婚娶向明州。漂泊天涯結百憂。千里相思
空極目。託書魚雁亦沈浮。

生辭膝下吾憂汝。少小還家自立初。越客每來
頻問訊。佳聲日至旅懷舒。

愁二首

去年臘日愁盈室。今日遙看滿地愁。若使趨前
仍密密。祇應與尔共悠悠。
愁來如織去還無。來去因窺心地初。吾體本空
那可染。湯將尔我太分疎。

寄內四首

常年病日深。憐汝竟日忘。眠湯藥。勞伏枕。異鄉
誰與伴。寒鐙無焰。朔風號。
童時與尔聯。姍姍薄宦同。游三十年。別後飄零
千里外。孱軀難料。定生旋。

鄉間娶婦喧闐。知正我孤懷悄悄時。譏笑滿堂
知憶否。天涯排悶一秋詩。
蚤經病患心存道。每欲遺家事遠游。雖逐世緣
常不易。故嬰多病稍忘憂。

過東阿喜張秋嚴水部遠至問勞詩以謝
之

別君荆門道。重會東山阿。別時初履霜。堅冰今
滿河。微勞不自慎。積困成沈痾。衝寒枉遠駕。攜
觴列清歌。眷眷此交情。一顧豈在多。

贈鞏鷗江

憑君華庶識吾容。鬢漸皤然一老翁。我自。有真君識否。盛衰不與四時同。

江南道中

解印歸來忽斷緣。江南春色復依然。芳邨桃李連鄉國。綠野桑麻倚客船。雲裏松關經舊履。山中野衲話當年。悠悠性本成多病。暫遠風塵意自便。

天津館卧疾示掾人張忠

風寒孤枕天涯日。耿耿予心那可論。不是維摩緣示疾。稍欣談對遣黃昏。

示崔憲

亦天津館侍疾者

淮揚留滯三年後。歸去秋霜兩鬢侵。聚散哀榮何足問。殷勤感汝歲寒心。

題童侍御湖邊草堂

時自淮初歸

背部紅塵隔。臨湖画舫環。曉風清吹發。暮雨醉歌還。喧寂心因悟。迂遲地自閒。寧知淮上客。同此卧花間。

應舉山房對雨二首

山房在郵先祖墓側

山中方息駕。一雨阻幽居。靄靄烟光莫。欣欣草木舒。坐深心愈寂。景換意俱殊。投老詎非詎。况茲衰病餘。

一還乘梓郡。窈窕憶山行。坐對松巒雨。弥傷游子情。煙嵐忽變夕。水石自成聲。辭祿元耽寤。那為俗所縈。

山中歸

一宿青山促。擢歸初晴草木曉。輝輝不分泚景。

三春盡。卻憶幽期百事遯。夾路鳥聲清。俗韻層林芳。氣濯塵衣。瞻雲已作誅茅計。長夏寥寥獨掩扉。

清道觀感懷

綠樹陰陰石磴逸。碧岑丹宇倚青霄。廿年不到歸何晚。一月初晴雨復飄。薜荔門深窺洞府。竹松風度訝僊韶。客懷幽勝偏多感。不盡江聲伴寂寥。

宿慈谿陳氏經堂

何處聞經梵。雲林處士堂。谿迴紆帶竹。迳遠密
通房。山鳥分禪食。江龍護法航。雨深因息駕。行
道共焚香。

梁湖夜發

溽暑江邨積雨收。蛙聲兩岬送行舟。客身漂泊
曾無定。明日愁眠吳地樓。

山陰道中

偶喜新晴汎越船。出門梅雨復絲絲。折腰蓬底
殊忘瘁。擬脫樊籠返自然。

己酉歲五月廿二日同男盛二夜渡錢唐
時久雨水汎舟不利涉

洪波浩浩那堪渡。昏黑相將冒險行。豈謂委生
方是遠。但看吾履向來平。

送甥毛經世往金陵二首

三十風塵吾易老。往來維護爾稱賢。秦淮行欲
從之去。病足蹒跚未可前。

令祖昔年為五馬。而翁讀易老青衿。古來祿仕
皆闕柳。毋墜家聲慎加心。

過扁跑寺贈住持僧

寶峰逝後叢林替殿火臺荒谷鳥啼不謂求泉
寫經者道風繼席老山西

東譚少參

鴻雁每勞薇省詔煙霞一卧竹房深故交多病
踈應盡誰復悠悠寄此心

東荅馬石渚方伯

衰年一搆疾形神索然殊解印還明郡親朋亦
因踈投迹來山中但與木石居有懷薇垣密契

闊今何如顧勤垂問意頓令沈抱舒崇要自多
政詎復存遐隅是以君子交悠悠靡終初相思
不相見因風致尺書量力避城府豈為形迹拘
况當趨曠秩焉能安一區

題僧瑞雲扇景

人間名利俱塵土出世高僧亦染衣紅葉青山
谿閣上蕭條誰向此中歸

報先寺逢德圓

無聞弟子老頭陀辛苦叢林髮盡皤嗟我風塵

形亦老。幾迴辭祿。竟蹉跎。

贈性天行者

少小出家應有悟。往來役役若為忙。祗緣學佛
先忘我。隨處勤勞是道場。

七月六日。余自四明來。與沈青門童南衡

陳子開。謾坐吳壻子旬宅。自晨至夕。子開
放歌。故情欣洽。各詠一首。分韻得此。

新秋晨氣爽。少坐覺炎生。散髮忘賓禮。高歌洽
故情。流雲度微雨。涼月吐初更。茲會百年幾。因

嗟冰上萍。

登大石山。偶憶石川公語。奇勝宛然喜而

賦此

昔逢石川起。語我大石奇。今日登臨處。穿雲路
更危。飛橋橫洞口。迴壁俯湖澗。坐愛空中閣。高
棲歲月遙。

宿天池山

病借雲中臥。天開山上池。諸峰臨水淨。片石出
林遲。古院秋逾寂。高緇故所知。自當長此隱。那

復列為思

夜宿昆陵聞輓舟聲有感

歲漕萬艦涉關河險阻身親勞慮多今日昆陵
成病臥不堪夜聽輓船歌

九日過招隱寺逢定菴上人

抱瘵思山隱行逢招隱寺崇巘嘉樹蒼層阿香
閣祕坐憇泉上亭泠泠說吾志幽磴入秋雲四
垠周一視天風吹我襟煩憂忽如弃鼎鼎練湖
明浩浩長江逝綠厓步紆迴歷洞窺竒茲時陟

昭明臺猶存讀書字况值登高節游盤不知遲
釋子武林舊為言山中事在昔戴顓宅虎鹿泉
呈瑞開剡逾千載廢興不能記掃榻留殷勤顧
為簪組繫猶懷捨宅人深悟已忘自

春日病懷寓金陵作

春寒欺病質三月被重裘躍馬思年少看花益
旅愁事從前臘廢簪向幾時挽寐莫誰相問傷
心淚欲流

贈吉牧雲

三晉家何在。問居金馬門。五侯延士少。數口向誰存。賣藥朝依市。垂憐夕灌園。還將萍水意。與爾醉芳尊。

壽李中丞封君八十

豐城李翁年八十。顏如嬰童眼如碧。問君內養祕何方。世間萬事吾不迫。得失君平豈假占。長安杜甫知如奕。更無俗意擾公私。惟有詩人數朝知。湖上行歌風日清。眼前自覺塵凡隔。兒孫四十羅堂前。濟濟稱觴色常懌。中丞迎養發樓船。故里端居報書尺。爾將五鼎榮言孝。我於百福損為益。但使兢兢奉聖明。何必朝朝侍吾側。中丞捧書意若違。復見翁心喜仍劇。斑衣起舞。天邊雲祝借諸卿。星斗文古來養親貴。養志潦倒承顏何足云。

送祠部章郎中公事還朝

二月江城氣尚暹。桃花初蕊柳初絲。一官異事同羈旅。多病經年惜別離。闔里交情今更稔。風雲僊駕祗難隨。與君攜手知何日。越水吳山入

夢思

送姚郎中愈憲四川由浙之任

鄉里衣冠集舊京。喜瞻風度結同盟。花明鷹服
文爭麗。水淨巴江政與清。藹藹河橋春滿道。蕭
蕭林雨夜還聲。病懷愁極翻成詠。一片歸心逐
去旌。

與余子奇話舊

余善丹青

江淮一別看猶昨。帝里重逢鬢各斑。數載驅
馳身覺病。幾迴悲歎世多艱。寄懷湖海浮沈外。

揮穎谿山遠近間。知爾雲踪無所繫。暫憑尊酒
共開顏。

贈吳芝山

年來多病少逢迎。到處看詩識尔名。混迹每為
朝市隱。言交不擇縉紳榮。鬚眉早見雪霜色。吟
咏時聞金石聲。來往風塵何所礙。右丞已老悟
無生。

不寐

山館淒涼客舊京。孤眠中夜覺寒生。故園千里

魚鴻絕。腸斷西林風雨聲。

金陵客舍與劉愛山話舊二首

錢唐秋夕河邊宅。明月梅花調益奇。
萍跡幾遷俱蝶夢。相逢猶誦別時詩。
道人自昔多山隱。立路相看盡染塵。
少小遨遊今白首。憐君猶是本來真。

別柴允中三首

人情應與道相違。來往憧憧已覺非。
歸去閉關交欲絕。惟留一櫂訪玄暉。

識君已在十年前。野鶴孤雲興灑然。
珎重秣陵聯榻意。豈將蓬跡滯塵緣。

詩篇但可消長日。據德依仁始一游。
盡說功無先後際。子歸好向自心求。

別何吉陽考功

風塵燕邸初逢日。立路多岐歎忽違。
尊酒細論情更切。扁舟此別會應稀。
天邊誰共吟秋久。松下那堪對月輝。
鄒魯寥寥千載後。知君振古欲傳衣。

別劉初泉掌科

問訊都門垂死日重逢已是復生時紛紛在慮
觀應盡寂寂深心悟豈知抱病欲投三竺老識
君猶恨十年遲驚秋一葉偏傷別鴻雁空勞寄
海涯

別何大叡儀部

春巷勞君數駐車蕭然一榻病方初愁邊那有
還顏祿架上空餘繕性書已識玄思瀛海遠更
看宦况野雲疎相從脫屣知何日別去山中閑

舊廬

得告東還宿弘濟寺有懷城中諸友

經年卧病乞身歸出郭分林塵事違向夕暫投
江上寺觀潮猶啟月中扉寒厓釣石花陰靜秋
水長空野色微
寂坐忽思朋舊隔不知清露濕
征衣

燕子磯作

燕子磯前風滿臺倦飛高鳥識歸來波漂雲影
江心度颿帶山光寺外迴病足倩扶將弱息衰

顏難駐付金壘。鄉關日莫猶堪指。北極 恩深
首重回。

中秋夕歸舟對月

卧久遲京報。歸倏中秋夕。涼輝新雨霽。憂與陰
雲釋。短吹舟尚移。遠鐘景方寂。緣厓樹湛陰。深
坐露凝幘。家近思轉勤。朋違昨成昔。念獨抱痾
還。吾生此行息。耿耿忽不寐。良宵况當惜。

贈崇明尹道與

賢才屢不偶。雅志在滄洲。忽試崇明令。欣然航
海游。微茫千嶼失。浩蕩一桴浮。近日魚鹽者。聞
將劔易牛。

途中寄懷聞郎中

憐君久南署。多難倍思親。念切心成障。憂深淚
滿巾。寒鐙稚子侶。鄉夢北堂身。歸路頻相遲。何
時五馬新。

以上皆庚戌年以前作

玩鹿亭稿

卷之一

三十一

玩鹿亭稿卷之一終

臺灣國家圖書館, NATIONAL CENTRAL LIBRARY, TAIWAN, R.O.C.

玩鹿亭稿卷之二

詩

病歸

病歸因得遠氛塵稍喜清明氣若神
幻體有生唯辯智閒情無着見天真
束身禮樂應終弃消日詩書偶一親
謝客閉門非傲立支離已是背
肯人

四明萬表著

男達甫編輯

孫邦孚校梓

臺灣國家圖書館, NATIONAL CENTRAL LIBRARY, TAIWAN, R.O.C.

臘月十二日將往荆谿至錫山阻凍已而
復往風日和霽因喜賦此

荆谿舊隱處懷戀數年心祗為冰河阻那愁霜
霰侵東風回短櫂晴日滿前林去住唯關志玄
探自此深

靈巖寺

即吳王館娃宮

歌舞易消歇千秋一寺存日斜寒塔影僧閉薜
蘿門

送錢道士天池山入關四偈

投佛園中士縣壺市上人本來唯一事祗用見
吾真

紛紛異趨向如尔信心希了以無餘義應看選
佛歸

一心重成道為尔苦寒行自度須今日毋令負
此生

人皆憎汝行我獨識其心好向巖扉下絲絲寶
寸陰

天池山雪後歸途有感

山中三日雪樵徑已先開豐瑞秋仍遠陽春何
日回

南濠寄居言志

吳門避跡掩郊扉衰柳寒唐客到希鏡裏青絲
愁盡變人間白日病長違蕭條祇擬填溝壑嬾
慢誰能計是非旅況自隨禪味淡佛龕鐙火夜
相依

春日過百花菴

古院百花裏城中唯此林序寒頻卧病春盡強

追尋芳氣浮禪榻野禽喧夕陰湯將游遠意忽
易閉關心

元夕觀鐙偶成

元宵攜爰魚將子鐙下羣行聚復分雜沓互看
人侶蟻喧闐猶見氣成雲興來月色忘人困歸
去鐘聲徹曉聞過眼繁華無駐景閒庭湯誦五
千文

題僧一舟卷

大道還將法喻舟不登彼岸未應休如今多少

操舟者。祗是悠悠苦海游。

題嘉興本覺寺雲間卷

曾聞樵李雲間老。郡守公餘日與游。前輩風流無復見。荒臺廢宇自春秋。

題嘉興水西寺疏

寺乃唐宣帝建有遺像

諸山興。剏頻求偈。謂我如來弟子身。殿火尚存唐帝像。至今猶作勸緣人。

舟中睡起偶成憶子盛一盛二

自昔心貪佛。違家意灑然。投閒今一載。為客已

三旋。寂寂途中思。搖搖吳下船。夢回憐二子。顏異道應傳。

初夏自姑蘇返權過嘉禾宿萬壽山作

游興隨緣變。歸颿信晚風。樹陰沈水碧。霞彩散波紅。落日城初背。前邨寺忽逢。吾心忘耿耿。莫訝屢西東。

酬董太史見訪不遇次韻

都門一別後。雲樹靄重重。僊館詞成綺。沙隄馬似龍。獨憐多病客。幾到兩高峰。采藥歸迎晚。空

尋來徑松

夏日飲許員外山亭即景三首

一亭梧竹裏。迥出市塵間。石迳緣蘿入。江峰對
座閒。海雲朝數變。山鳥暮雙還。別去衡茅下。思
君嬾閉關。

豈謂池臺上。琤迴復此亭。江環城外練。山列越
中屏。酌酒花同醉。彈琴鶴共聽。主人應戀此。不
貴鼎彝銘。

檐楹俯竒曠。洞壑入庭登。峰間戍樓起。林連雉
堞平。翠煙巖閣靄。紅日海門生。景絕恣臨賞。茲
亭不可名。

夏日同許員外琴士周桐菴懋李氏郊居
一曲芳唐外。清風滿古林。夏英偏爍日。徑竹自
交陰。暑向幬櫳斷。塵從澗壑沈。閒邀二三友。緩
坐聽鳴琴。

夏日同楊水部飲李氏卧雲樓喜黃陸二
生偶至歌咏及夕

亦知衰鬢短。強逐少年歡。泝景寧堪返。愁懷但

覺寬清歌消未已。綠醕伴幽蘭。童冠非真樂。喟然應不歎。

湖上汎舟感懷

道人睡起心無事。小艇城邊汎午風。一望湖光山色裏。幾重春樹夕煙中。乞身歸隱寧非主。多病棲遲漸作翁。林嶼蘇隄俱往迹。僧來何事更談空。

仲夏夜坐

五月金未伏。朱氣何太炎。更闌人尚語。坐久夜

虛憺。幸與簿書遠。兼無車馬淹。還丹如可學。寒暑詎為嫌。

○伏日夜坐

風微庭樹靜。星密火雲開。入夜炎仍熾。經旬雨不來。稍行猶喘息。欲卧轉徘徊。自覺逢多難。衰頹老愛催。

月中偕友訪楊水部留宴容間閣

僊人樓閣俯郊川。月色花陰启夕筵。檐外數峰煙漠漠。鷗邊幾樹柳翩翩。高情倍飲歡尤劇。野

客忘憂思入玄更有清音澄玉宇只疑夢到九
華天

東方道人久為舟隱浪跡江湖行無定止
寒暑結制山中予見而愛之因與訂盟云
期君相逐野雲閒半寄孤篷半住山霜到艸堂
寒獨閉香生蓮浦暑應還行無程計心常靜事
與塵違意不關佳興四時堪共樂何如風詠舞
雩間

湖上病居喜周桐菴攜琴遠至

閒居正憶陽春曲何意攜琴千里來湖上
外堂
明月夜花前蘭酌碧荷杯舊游隔歲曾無信
孤緒逢君但有哀一病閉關交欲絕衡扉那復為
誰開

病歸西谿山中湯述 先墓在上

豈如陶令憂三徑幾省雲封滿薜蘿抱病却嫌
辭祿晚入山猶馱識僧多蟬聲兩樹驚年謝心
緒千般柰老何安得盡排人在事白雲流水和
樵歌

送聞它泉之欽州

去年京邸為君別，今日江頭復送君。
官舸霜前隨雁發，客身嶺外更誰羣。
猿聲斷處聞蠻語，草色青時入瘴雲。
忠信于城堪自衛，不須三尺淨妖氛。

武林病居寄荅唐荆川太史二首

病歸辭祿家無計，老去貪閒子折居。
賓客到門常不接，詩書乘興獨難除。
已知攝養形終減，稍悟浮虛意覺舒。
為問荆谿唐太史，道心病後更何如。

何如

十年學道渾曾悟，遇景還迷却未曾。
身事欲酬翻不了，道心將覓轉難憑。
故人同病誰堪語，末行無矜衆所憎。
汨汨流光知不返，舊盟空復憶山僧。

夜坐寶林塔與周訥谿掌科話別

金陵小院相過日，擁褐連宵坐歲寒。
幾遍升沈頭共白，五年縲紲語猶酸。
湖中漁火明寒水，檻外空煙滿夕巒。
千里遠來今渡去，別君惟有淚

湯湯

送童侍御至廣東

湖山有約同為隱，何事孤舟萬里行。
奉謫祗承君示譴，攜家兼就祿資生。
峽江山月隨飄駛，梅嶺僊葩帶雪明。
相送離懷無復遠，亦知不久待持衡。

送劉望洋之南華

幾年每作南華夢，緣有曹谿一水通。
料得君游非浪跡，好傳心印到吳中。

聞王寵谿書樓被火有懷

廿載聞論道，能令曠者興。
書焚因絕學，苑廢少延朋。
已悟成為壞，還觀損是增。
紛紛門下士，於此得師承。

憶子來章二首時赴餘杭考試聞被主司

嚴譴

聞汝身遭譴，何由見汝身。
步庭愁對月，望信夜難晨。
訓誡將無甚，詩書詎用陳。
悔來那可及，憂懃病應新。

歛迹來歸息，衡茅多閉關。人隨時見背，身與辱相安。祿棄家無養，門衰子共難。病眠唯益苦，歌枕淚頻團。

撰悶

閉門耽著述，盛暑卷常開。自是支離者，偏為歲月哀。咏歌聊遣興，景物嬾登臺。困守元吾事，寧傷異患來。

重宴楊水部容閣

涼暄雖異序，煙月共斯樓。又覺一年謝，空憐兩度游。行雲仍駐曲，密柳更移舟。留客何須醉，忘情但狎鷗。

送劉少府之鎮江

六年佐杭郡，唯飲吳山泉。髮為憂民白，心因歆事縣。蟬風揚庶頌，江戶照離筵。幾許徒攀卧，金焦已待賢。

題柯亭登笠卷為楊南泉作時李岫樓有斛笠甚奇南泉以一局博之故名

野翁爭席罷，詞客勝棋還。舞笠秋陽下，思漁煙

水間興來仍裂冕身退更藏蹤安石何須慕桐
江若可班

宿吳山雲窩贈鄭真僊

結屋依山洞開厨近石泉挂瓢聊出壺揮穎即
成僊榻許詩人僧方從道士傳欲知丹訣候明
月幾迴圓

九月六日湖上同沈青門許茗山茅廡門
許石屋諸友宴集分韻得風字

已近登高節清尊雅席同未須吟待菊祇愛醉

東萊風餘綠連隄密幽芳照水紅自慙衰廢者叨
宴墨鄉中

九月六日同沈青門劉望洋童南衡楊南泉姜
對洋諸友登吳山昊天閣既而朋舊沓至
列坐庭陰分製得五言律一首

僊閣雲屋迴清秋此共臨江山時極目散逸識
同心野席紛平麓斜光明近林嘉朋元不約觴
酌湯相尋

題王大巡雲竹卷

片片自無心。蕭蕭滿故林。祗緣虛是質。不礙出
為霖。結幄紅初變。棲枝鳳一吟。毋勞歸夢到。披
卷足幽尋。

贈王西石戶部

山中方一遇。歡洽若平生。論世襄先老。憂時志
甲兵。玄空諸士蘊。諾視百金輕。別去頻相戀。猶
為入道盟。

登太虛樓一首為孫環山太守作

擾擾人寰裏。凌然此縱觀。使君元有道。黎庶許

同歡。危檻雙峰並。西湖一曲看。吾將乘鶴背。萬
里御風搏。

宿應魯山樓

窈窕蒼霞裏。登樓愛隱居。水聲孤枕近。山色四
窗虛。林靜朝看鹿。心閒夜對書。獨將耽寐意。覺
戀世情疎。

送高南洲行取北上

罔羅紛俊彥。雅志不如君。共有飛騰慶。應將獻
納聞。琴尊移海月。車馬入蕪雲。清禁疎鐘晚。玄

機詎可云

會川龍泉閣為戴靜山翁賦

幽閣橫谿迴，軒窗騁望賒。遠山浮灑氣，寒樹發
瑤華。鯽膾供賓饌，川流擁釣槎。相留無復去，城
市總如麻。

除夕宴鄰宅

弱冠辭鄉早，并州久滯身。生歸翻作客，欲別更
相親。臘向宵分盡，春隨曉霽新。寒暄君莫問，千
尚為鄰。

新正登阿育王寺四首

避喧來海嶠，元日坐禪林。自笑身逃影，還將景
易心。寒流春雪化，疊翠暮烟深。幽寂非人境，應
無積俗侵。

山中無節序，新歲不聞喧。步叡遵樵徑，同僧叩
竹門。香盤供野蕨，晚磬諷空言。卻憶閻浮界，酣
歌景正繁。

坐觀山色好，忽斷世間緣。欣厭知情轉，寒暄與
運遷。金沙明寶地，玉几淨慈筵。說法元無二，松

聲祕已宣

攀蘿登上塔絕頂見蛟川
杯土三山小叢陰萬
室連遐觀隨所履色界本無邊
欲識元來面因
僧一問禪

荻洲詩為張德馨姊丈作

荻江迴曲處州閣一洲間
雁宿時來去潮留日
往還秋風吹葉老夜月
暎花閒自歎風塵久因
君戀故山

元夕祖關獨坐

城市觀鐙罷仍還郊外居
春暉林木變野興酒
朋疎茹菜分僧供臨軒閱道書
笙歌何處沸喧
寂此中殊

元夕後宿應舉山莊

幾宵鐙下醉豔向隴頭醒
隔歲梅猶白經春竹
更青就雲移石榻迎日啟山扃
入部非吾好塵
勞鬢易星

戲贈蕭復初

文武時兼重君家奕世榮
子為百夫長父作一

書生已識懷珠玉，還看富甲兵。毋嗟久留滯，志在定應亨。

壽樂亭詩為戴靜山翁賦

一亭深院裏，別自有山川。壘石松生嶠，開池地近泉。天光翻上戶，春色每增年。幽勝心俱遠，朱輪何處邊。

還明家宴即席偶成

三十功名如轉眼，歸來已是丈人行。持觴為壽紛成叙，擊筑高歌笑滿堂。病裏臞顏吾獨老，

前情話夜兼長。翻思親在歡承日，心緒微微忽自傷。

壽會川戴靜山太守八十

八旬林下人間少，况復優游三十年。興寄煙霞常避俗，手栽梧栢盡參天。壽如令德應齊嶽，道與流光併在川。湯集耆英追往蹟，看君已是地行僊。

送孫槐谿太守考績北上

閭里謳歌偉績彰，廟廊側席待明揚。緣經飾律

臺灣國家圖書館, NATIONAL CENTRAL LIBRARY, TAIWAN, R.O.C.

存吾道。抑暴康民。視彼蒼政。劇定心同。碧水畫
閒清詠。滿黃堂。光輝別後。何能覩。蔽芾庭前。存
名棠。

前川詩為趙掌教賦

江夏何年移劍在。每臨樊沔泝流湍。水聲三峽
通朝莫。樹色千崖自歲寒。吾道早聞同此逝。明
時應辟且投竿。傳經多士無殊義。洙泗還將一
派觀。

壽薛雲舟六十

與君三十年相友。意興于今猶未更。世上重逢
生甲子。林間還訂晚交盟。繁霜不染閒人鬢。明
月常怡逸客情。歲歲流光知不老。悟來自性已
丹成。

自明初還避客。潛過石屋山亭訪主人。不
遇見其二子詩以代刺。

不到此亭久。因君憶此亭。出門忘宿戒。看竹坐
深坳。籬槿經春長。巖花向日馨。主人何必遇。離
鳳正傳經。

過明真宮澹然道士故居

一試人間味。榮枯。緬澹然。馱身還羽化。住世已
胎僊。壁上塵封塵。鑪中篆息煙。因經下榻處。默
默憶當年。

過市跑寺有感

果師遷化後。上首。鑿傳鐙。厨有經年粟。堂無一
宿僧。高山懷舊隱。喬木想餘馨。紺宇成輝映。惟
應慰覺靈。

夏日宿陳青芝孤山湖閣

故人湖閣敞。邀我散炎襟。荷氣隨風入。橙陰覆
院深。相忘因信宿。放逸羨高吟。自媿非僊客。孤
君問道心。

午日汎湖

端陽重載西湖酒。山色依然侶去年。隄上兩行
桃柳密。湖邊一望苑臺連。競將歌管娛佳節。自
折菖蒲掃野筵。病質強支同此醉。不勝歸思夕
陽前。

題楊水部五十壽卷

金冠羽扇容閒閣。盡道蓬萊境裏僊。尊酒每邀
明月飲。竹牀還伴白雲眠。榮名已覺俱成夢。山
水常親獨有緣。不用知非求妙道。地偏心遠自
長年。

瑪瑙山樓晚眺為楊水部作

江佐長渠湖作池。遠山如黛越中任。晚晴今日
山樓景。侶與容閒閣更奇。

喻致

汝類千萬億。豈能盡飽血。何不安草萊。依棲以

永月

六月廿四日

六月今當廿四日。先公海上射龍時。點夷屏迹
滄波淨。近說揚帆徧海涯。

陳氏湖居避暑

一片湖光淨野扉。經旬避暑竟忘歸。晚來松下
貪涼坐。十里荷香透葛衣。

聞海警有感二十首

掃穴熬舟稱偉績。鑿山填海亦弘勲。可憐憂憤

身空殞兩浙何人一念君
百年滄海曾何寇防杜多應失漸微安得東南
還沈瀚但持三尺息兵機
屠城掠邑臨關急載酒輸糧饋轉頻黨與紛紛
今滿省豈無見憚漢朝臣
小人得志知無止防守朝朝幾得休兵力久來
應自斃誰將為國一更謀
稱王惡逆滔天甚聲罪如何杳不聞遂使邊臣
甘稽首不知順逆若為分

既名為敵天難共詎有紛然復往來法岡漸疎
人漸玩失今不救勢難迴
海上只今非二賊更誰欺隱復言倭豈無智者
能窺汝至使飛揚黨漸多
有灋不行何為本來謀國是謀身既居天職
司民命恐是摧戕一體人
生浦潮迴海氣腥流屍塞岸盡殘形行人掩淚
何須問况是愁中可忍聽

古人利什不變灋
聖祖宏猷遠慮存海市誰

將倡此議祗應流禍毒中原

奏請中丞幾日迴應掄破賊濟時才浙中士馬
無增數旌節唯添一將來

點虜入邊稱百萬今年來候更先秋誰能持灑
清東海稍釋君王南顧憂

動言擒黨為招黨今日屠殘誰激之逆黨不擒
從恣募不知何日是休時

銅錢為銃鉛為彈關市無譏只恁行若今束手
甘資敵何用徵兵議結營

舟師擅廢言無事弛禁三年釀所成今日豈應
猶隱蔽可伶誤國誤蒼生

秦璠王良吳中亂跳躍那聞破一城聲討羽書
馳滿道固應不久奏昇平

遮天枝募從根長根若不除募豈除稍去輒言
為賊遁復來城邑慮丘墟

首逆不名今得志吳衢宿寇日聞歸不知苦諱
緣何事當局無人早悟非

風煙若此稱良賈市稚登城更備誰勾引既多

馬用守千尋鐵鎖亦何為

有賊不擒擒且縱朝來鼓角又東征積薪厝火
膏頻沃杯水兒童識不勝

伏日避暑湖寺聞海賊圍台州作

今宵炎太劇池館絀如蒸電掣雷無迅雲垂雨
倡疑清塵思借扇抱病久依僧滄海何時晏僊
槎我欲乘

輓楊南泉

來往交方密山林趣正長那知寺中會忽報剄

來亡饋藥嗟無及觀詩祇重傷哀哀雙令子堪
作九泉光

輓沈兩湖

憶在清江尹狗民百慮違惟將素履往不問世
情非好學多辭席買書常典衣遺囊不盈粟貧
客慟靈幃

病久不出偶與軍門論海防有作

海上日多盜屠殘真可傷偶登公府步誤落是
非場抱疾憂偏積逢人說更長山中歸舊隱庭

竹對蒼蒼

壬子秋登許氏樓觀諸士入試

白露初零秋氣激高樓臨望喜賓興月宮已見
千鎧聚桂窟誰持一斧升題柱橋邊迎駟馬乘
風霄外化鷗鵬丈夫奮起元何為斯道康時待
尔弘

冬日同諸友餞童南衡之南都

深山寒雨積遠出為情親茲別社中友誰同白
下春弦歌歡永久雲樹悵離津君去無知己林

扉一病身

報先寺鑄大銅佛書以一偈

大六金身合下成本來無減亦無增豈知佛亦
由人做擬見紅蓮脚下生

冬夜坐蔡可泉中丞舟中話別

山寺僧同寐雲霄客盡疎獨將刻谿櫂為得故
人書剪燭寒宵短停雲積抱舒相忘知道在復
別意何如

雪中登上寺聽祇園凜主講經

苦寒何用避，冒雪上方行。淨界天花滿，空林玉樹明。忘言迷有象，聞瀆悟無生。攀陟胡為累，吾身自可輕。

次荅史夔峰玉潭僊院韻

僊院偏承雨露多，步虛遙夜靜鳴珂。當年玄榻曾三宿，何日扁舟更一過。月印玉潭知見道，風生龍洞獨高歌。齋居長祝天王壽，海晏河清

水不波。

每逢聖誕設醮奏聞故云

次韻贈楊道人

少小辭家事，遠游諸方何處覓。丹丘天涯自有還鄉路，珍重臨岐着兩眸。

許石屋秋鄉有婢名雪梅，性不如葦善煮雪茶。今已物故感傷成詠，偶為次韻。

美人不如人間物，清味悠然況雪茶。石鼎尚遺無宿火，閒庭空見落瓊花。

元夕自山寺入城散步，遇沈青門張中山劉望洋諸友。

新正七日雪，元夕月偏明。即此人間景，誰無鐙

下行路多朋舊遇，步逐管絃輕。何侶棲山寺，寥寥負此生。

春雨有懷許石屋

江城春雨氣如秋，樹色籠煙洞壑幽。卷幔乍看新燕入，玉人相並倚山樓。

湖寺贈孤峰禪師

有道者無我，偏為衆所依。盧能充碓主，拾得作廚師。淨意消三業，焚香禮六時。龍華今幾會，九品納蓮池。

莫春集石屋山亭，餞別許茗山憲副之粵。春亭今日會，猶及牡丹芳。遠見江流急，愁催去櫂忙。文星光異域，霜節失炎方。為念里中社，蕭疎望獨長。

湖嶠舛堂宴集分韻得成字時茗山有粵南之行因寓別懷

城邊高館修文約，牆上湖山入座明。近寺樓臺臨鏡出，遠船簫鼓向天行。每寬禮數憐予病，茗山屢顧不欲別。遲留識尔情，萬里王程看獨去。茗山

不勝離思句難成

戲柬王冉山

美人一遇樵源後，樹合雲封路忽迷。
借問誰將春色去，武陵無處聽鶯啼。

赭山戰後作

時用僧兵取勝

一夜風煙傳警急，晚扶病骨強臨戎。
山中餽粥供兵食，架上詩書易塞天。
畊鑿于今那識陣，蹉梁使爾獨稱雄。
最怜子婿能忠戰，不道緇衣也報功。

又

寇盜紛紛徧海濱，赭山一戰省尤鄰。
誰知今日焦頭客，元是當年獻策人。

賀楊司訓連得二子

楊湖廣人

庭前桃李爭春麗，階下芝蘭向晚生。
千載斯文知共泮，一經家學待人鳴。
淵源洛水應分楚，艸木眉山盡遜榮。
昨夜步蟾時倚杖，文星遙傍女牛明。

哭婿吳子旬二首

靈幃寂寂誰為守，母哭妻啼病兩牀。每二登堂
腸欲絕，可憐處處共悲傷。

人言一死堪酬國，憶尔忠懷志獨真。大義不
明無定是相逢，誰不解全身。

閔黎吟三首 有引

浙參政平崖錢公出按四明，會予於舟
中談及征黎事，悲動顏色，且示以閔黎
諸詠，惻然傷懷，因而有作。

地何產柎與速，吾何畜豕與犢。豕犢盈盤吏反

嗔柎速窮年采不足，但願黃金滿粵南。寧使黎
田不盈粟，粵南金多吏不索。黎田粟少人未哭，
刺箭為約安得銷。黎人借錢無約刺箭記之歲歲生當剝，吾
肉負戈因拚一命償。嗟嗟黎人誰尔牧，皇章
惠尔非尔毒。

二

虎兕來猶可奔，狼師一來人無存。夫征縱殺玉
石焚，昔人鵬勦只一邨。鵬勦功成賞不厚，大征
瘡子還廕孫。殺一不辜尚勿為，何況萬骨多冤

魂願君爵賞毋苟貪。但以三槐植尔門。

三

鑿而飲，畊而食，撫黎何事來相逼。舊設有撫黎老人瘠

牛可畊，豈不惜。薑水那堪吞滿臆。撫黎逼黎人之財則以薑

水灌之。遙明鐙火忽驚疑。一望旌旗我心惻。撫黎至黎

則明鐙揚旗以徃。羣黎艸木豈有知。貪吏腹削無窮息。

攻掠犯順誰所為。撫黎毒黎還毒。國南征稍

喜平崖公殲掃惟悲不為德。

送法光弟子還普陀山因簡灑光

仰光何廣大，夷賊亦來親。為緩王師令，將全苦
行人。遠峰嚴列戟，環海緬迷津。擒縛自為計，慈
悲是小仁。

與法光汎舟月湖時光自賊中還

月湖同蕩槳，相對各生悲。百死何須問，重逢轉
覺疑。禪心元不二，幻體豈無知。寂寞殘生在，焚
修更有期。

冬日偕友游金峩寺

逢君每道金峩勝，况與山僧隔歲盟。霜葉未零

秋色在、凍雲猶合。暮煙生。禪宮遙向層巒上。竹
徑紆從曲澗行。夜靜堂深。同對酒。故園朋舊有
餘情。

游金峩歸塗中作

入寺連陰晦。初晴氣轉寒。偶然游興盡。不顧
鞍。裘單。夾路山開畫。維舟水急灘。艸堂看不遠。雞
黍且同餐。

祖關夜坐簡倪生

別爾惟孤坐。其如夜雨何。自從禪學久。應慣寒

寥多。惜福頻辭席。思漁欲理蓑。不嫌貧薄味。衝
濕好來過。

酌酒與倪生

故里逢吾子。高歌百慮輕。少年誰不愛。衰歲轉
多情。從獵心應性。忘機酒共傾。餘生何足問。對
爾欲逃名。

邨居留客

歛息江邨久。閒來悟百非。氣衰於事怯。理妙向
心微。雪至先飛霰。煙生欲輓暉。此生寧復幾。聚

樂莫言歸

居明歲莫偶成

居家猶作客。俗慮不相關。歲事從兒辦。圍棋對客閒。一年今又度。兩鬢早成斑。騰化知無術。金丹尚可還。

贈曾龍山行取北上

三年仁績誰將述。但見人同皞皞春。士不苟。狗為若德。政惟平易。迓斯民。每嫌案牘妨。經籍武檢行囊。只舊貧。此去省垣堪吏隱。謗搖玉佩。

經綸

賀張東沙少司馬元旦生孫次豐南禺韻
寒宵方慶歲初更。又報庭蘭一度增。萬事而今於齒足。一經堪付待蛟騰。枌筵譖笑元雙喜。名閱圭璋此再興。黑鬢翁心歡更劇。自裁紅錦與為褊。

又次周苒厓叅政韻

共識君懷濟世才。門庭佳氣逐春回。已窺令子非凡器。會有文孫接武來。柏酒滿卮還暢飲。瑤

篇對客屢磨裁。從今身外無餘累。報國忠懷益壯哉。

次東沙少司馬元旦生孫志喜韻

鴻鈞大地啟三陽。更訝君家有異光。天上磨兒誰抱送。夜來蔗夢是禎祥。芝園宿植雲霄種。香閣新裁錦繡裳。五十為翁非不早。况看勲業與時芳。

人日同諸友集全九山太史宅對雪

冬盡絕微霰。春來五出霏。緘言非瑞氣。猶喜耀

晴暉。鄰酒釀初醖。佳朋賞不違。自今寒意少。不醉莫言歸。

春日過延慶寺格上人房

古寺城隅近。春風短擢游。水環多著舫。地窄各為樓。故友悲丘偈。詩僧聖雪川今已物故新詩見尔優。老懷思借榻。歛息與吟謳。

春日飲陸氏延碧亭

巷僻門深春自好。孤亭叢卉向湖開。綠楊西坼官驕度。碧水南橋客舫來。逸叟閒情呼對奕。主

人。佳興勸銜杯賞心偏覺傷心願荏苒韶光去
不回

春日過白石山人幽居

幽人深巷居。閉戶少迎將。外屏縣名書。前除列
羣芳。雙桂蔽檐端。清陰常滿堂。紅杏帶春色。一
枝出鄰牆。惟有三尺童。烹茶與焚香。坐來忽移
時。不覺心清涼。時取壁上琴。為我鳴琳琅。庭月
為之白。子夜為之長。人間那得此。疑是費長房。
欲別猶徘徊。花露沾衣裳。

清明日山行偶成

春來城市無停轡。每憶山中自在行。但覺松深
無俗韻。不因花落減游情。野禽悅客聲相和。涼
水隨人步與輕。一滴豈沾泉下土。翻嗟不飲負
平生。

次荅舒黎洲見招韻

大士偏多混世塵。中懷妙悟豈同人。最憐競物

消閒語

黎洲嘗與物競問之
如何曰消閒故云

便是通玄了道因

舉世有成皆夢幻。本來無得但真淳。看君自識

潛龍理整向荆榛寄此身

莫春同東沙少司馬宿陸氏山莊時亭前
牡丹乍開

山亭春乍煥。一夜牡丹開。但辦芳尊賞。無煩羯
鼓催。日暄顏並醉。風過翠翻回。城邑雖俱發。幽
偏不共摧。

莫春過二都母家與諸兄弟宴聚

連宵兄弟相歡會。重我依依素梓情。世上浮名
誰復戀。花間幽徑幾同行。谿添新水堪垂釣。雨
足深疇欲並畊。四十年来成底事。豈堪白髮數
迴生。

雲龍艸堂聞報復起時對江山不覺依戀

因而有作二首

已定幽棲計。山樓倚水成。扶藤壁欲挂。種竹筍
初生。時蕩月中槩。閒泛江上行。何因樞密貴。違
此薜蘿情。

病懶耽高枕。幽居擬息游。諸峰排戶入。一水抱
邨流。家國知猶負。年華詎可留。謬移招隱調。忽

作去鄉憂

周苒厓叅政有獎頷之相席中口占戲贈
擒王破虜吾家事病質悠悠何所成自古封侯
元有相可憐獎頷一書生

陸心橋兄宅寶珠茶盛開邀余過賞夜分
乃歸

鄰巷竒花開滿樹主人尊酒特予招夜深秉燭
還相對似與朝來色更嬌

別先祠

雲龍堰上拜新祠恍忽儀容儼格思南畝每畊
遺澤在西谿遙望莫雲迷江山屏練垂應遠嶺
藻春秋薦有期明日扁舟又西去不知迴櫂是
何時

甥以善同謙兒送至姚江別回有感

一片姚江月相攜此夕同潮平分別去月亦各
西東吳浙何多難旌旄屢失功行將何所止
是亂離中

越中

還明成久滯。漸暑向杭行。離思頻回首。歸心數
問程。飄風催客櫂。乍雨慰農情。見說平湖寇。朝
來逼海寧。

西興道中

客歲新涼度。今當溽暑還。風煙猶未息。士馬幾
能閒。乍入來時路。欣看蕩裏山。道傍人自語。謂
我覺衰顏。

心梅卷

冰姿自出雲煙外。清影常橫夜月前。何事君心

獨相契。歲寒應在百花先。

海寧交戰聞殺周都閫有感作

東西三戰北。孤注海虞軍。將歿兵隨散。民殘室
盡焚。受言寧至此。失策詎猶文。靡止旻天在。疾
威何太紛。

偶成

抗論為時忌。危塗不可行。衽憂違大義。豈好拂
人情。烈焰無時息。殘屍遍野橫。如何於此日。猶
自惜吾生。

楊涇橋戰後示男盛一盛二

喪亂悲無已。吾身似太輕。幾時重見汝。相望不
勝情。暑氣衰年怯。妖氛壯志生。裏瘡終報國。
先並細忠英。

金陵卧病戲柬李一山錦衣

與君廿年交。感君相知情。伏枕條兩月。息君遊
如瀛。一病尚弃掃。何況死與生。高車固簡出。豈
無直中行。小館禁城側。常聞前呵聲。予病幾
欲絕。相聞詎無驚。屏息倘苟延。誰為歲寒盟。

病中謝李道人

人生本如寄。飄忽陌上塵。自昨病患乘。我命縣
之人。一日日待好。一日日轉老。人事無盡期。為
樂苦不登。客從龍池來。執手心為哀。尚言僊可
學。萬劫心不灰。感尔遠來意。吾身安可弄。潛觀
代譙理。長生恐非智。甘心與運遷。庶無憂悶事。
有所思三首

病裏思偏切。歸期一月遠。每聞鳩鵲喜。轉憶雁
鴻希。豈為孤行怯。還應故土依。欲将他緒易。但